

आकाशवाणी

खबरां -----

1. प्रधानमंत्री नरेंद्र मोदी होरें वीडियो कांफ्रेंसिंग राएं बक्ख-बक्ख रेलवे परियोजनाएं दा उद्घाटन ते नींह पत्थर रक्खेआ ते आखेआ जे एह रेल बुनियादी ढांचे दी परियोजनाएं दे शुरू होने कन्नै सैलसफा गी बढ़ावा थ्होग ते सामाजिक ते आर्थिक विकास च होर बी बादा होग।
2. छत्तीसगढ़ दे बीजापुर जिले च माओवादियें सुरक्षाबल दे इक वाहन गी विस्फोट करियै डोआई दित्ता जेदे च 8 जवान ते चालक शहीद होई गए।
3. लोकसभा अध्यक्ष ओम बिरला होरें संविधान सदन दे सेंट्रल हॉल च पंचायत से सदन 2.0 कार्जक्रम दा उद्घाटन कीता।
4. केंद्री शिड़क परिवाहन ते जरनैली शिड़क सरंबधी मंत्री नितिन गडकरी होरें विद्यार्थियें गी यातायात नियमें दा पालन करने दा आग्रह कीता।
5. ते भारती क्रिकेट कंट्रोल बोर्ड नै भारत दी आगामी त्रै मैचें दी इक्क दिवसीय श्रृंखला आस्तै 15 सदस्यें दी टीम दी घोषणा कीती ऐ।



प्रधानमंत्री नरेंद्र मोदी होरें अज्ज नमें बनाए गेदे जम्मू रेलवे मंडल दा वीडियो कांफ्रेंसिंग राएं उद्घाटन कीता। खित्ते च रेल संपर्क च विस्तार ते होर मते इलाकें तोड़ी रेलै दी पुज्ज यकीनी बनाने बक्खी एहू इक्क महत्वपूर्ण गैहू ऐ कीजे जम्मू दे इक बक्खरा रेल मंडल बनी जाने कन्नै ना शड़ा इत्थूं दे लोकें दी इक चिरकी मंग पूरी होई गई ऐ, सगुआं खित्ते च सैलसफा ते आर्थिक विकास लेई बी मते-मते मौकं दियां संभावना बधी गेइयां ना। जम्मू रेल मंडल हेठ पठानकोट, जम्मू-उधमपुर-श्रीनगर-बारामूला, भागपुर-सिरवाल-पठानकोट, बटाला-पठानकोट ते पठानकोट थमां जोगिंद्र नगर रेल सेक्शनां शामिल ना। प्रधानमंत्री नरेंद्र मोदी होरें तेलंगाना च चालापल्ली नमें टर्मिनल स्टेशन दा बी उद्घाटन कीता ते पूर्वी तट रेलवे दी रायगड़ा रेलवे डिविजन बिलिंडंग दा नीहू पत्थर रक्खेआ। इस मौके उप्पर बोलदे होई प्रधानमंत्री होरें आखेआ जे जम्मू-कश्मीर, तेलंगाना ते ओडिशा च रेल बुनियादी ढांचे सरबन्धी परियोजनाएं दी शुरूआत कन्नै सैलसफा गी बढावा थहोग ते इनें खेत्तरें च सामाजिक ते आर्थिक विकास च होर बी बाद्दा होग। उनें आखेआ जे देश विकसित भारत दे संकल्प गी हासल करने आहली बक्ख बदा करदा ऐ ते इस लेई भारतीय रेलवे दा विकास बडा मता जरूरी ऐ। इस मौके उप्पर केंद्री रेल मंत्री अश्विनी वैश्रणव होरें आखेआ जे जम्मू रेलवे डिविजन दे निर्माण कन्नै जम्मू-कश्मीर च नमीं सुविधाएं दे विकास ते सैलसफा गी बढावा देने च मदद थहोगं इस मौके पर ओडिशा दे मुखमंत्री मोहन चरण मांझी, जम्मू-कश्मीर दे मुखमंत्री उमर अब्दुल्ला ते तेलंगाना दे मुखमंत्री रेवंथ रेड्डी सने होरनें बी अपने विचार सांझे कीते।

<><><><><><>

Mos Rail Div Jammu

केंद्री मंत्री डॉ. जितेंद्र सिंह होरें अज्ज जम्मू रेलवे डिविजन दे उद्घाटन गी भारतीय रेलवे च इक नमां ध्याय ते ऐतिहासिक संगेमील करार दित्ता ऐ। उनें आखेआ जे इस पैहलकदमी कन्नै खित्ते दे ग्रामीण इलाकें दा व्यापक विकास होग ते एहू बड़ा महत्वै आहला साबित होग। आकाशवाणी जम्मू संवाददाता नै इस बारै जानकारी दिंदे होई आखेआ जे केंद्री मंत्री डॉ. जितेंद्र सिंह होरें इस पैहलकदमी दा श्रेय प्रधानमंत्री नरेंद्र मोदी हुंदे विकास दे विजन गी दित्ता ऐ।



Chhatisgarh-Attack

छत्तीसगढ़ दे बीजापुर जिले च अज्ज माओवादियें सुरक्षा बल दे इक्क वाहन गी विस्फोट करियै डोआई दितता जेदे च 8 जवान ते चालक शहीद होई गए। घटना बस्तर खित्ते दे कुटरू थाना अंतर्गत अंबेली कश होई। अधिकारियें घटना दी पुष्टि कीती ऐ। वाहन च दंतेवाड़ा थमां जिला रिजर्व गार्ड दे करीब 15 जवान सवार हे ते संयुक्त अभियान चलाने दे बाद वापस परतोआ'रदे हे। माओवादियें शक्तिशाली लैंडलाइन माइन विस्फोट करियै सुरक्षाकर्मियें दे वाहन गी डोआई दित्ता। विस्फोट दे बाद माओवादियें सुरक्षाकर्मियें पर गोलीबारी शुरू करी दित्ती। घटना च पंज जवान घायल होई गेन। त्रै घायलें दी हालत गंभीर दस्सी जा रदी ऐ।



Navy Chief

नौसेना प्रमुख एडमिरल दिनेश के त्रिपाठी होरें आखेआ ऐ जे भारत दी युवा शक्ति दे कारण गै अज्ज दुनिया भारत गी आशा ते अपेक्षाएं दी नजरी कन्नै दिक्खा करदी ऐ।

दिल्ली च एनसीसी गणतंत्र दिन शिविर 2025 दा दौरा लांदे होई एडमिरल त्रिपाठी होरें आखेआ जे युवा गै देश दे भावी नेता न ते 2047 तककर विकसित भारत दे निर्माण च युवाएं दी अहम भूमिका होग। उनें युवाएं गी जीवन च सेही विकल्प चुनने ते दित्ते गेदे मौकें दा मते कोलां मता लाहू ठोआने लेई आग्रह कीता।

<><><><><><>

EAM-NSA

अज्ज नमीं दिल्ली च विदेश मंत्री डॉ. एस. जयशंकर ते अमरीकी राष्ट्रीय सुरक्षा सलाहकार जेक सुलिवान बशकार इक बैठक होई। इस दौरान दपक्खी, खेत्तरीय ते वैश्विक सहयोग गी होर डूंगा करने बारै चर्चा कीती गेई। इक सोशल मीडिया पोस्ट च डॉ. एस. जयशंकर होरें आखेआ जे उनें भारत-अमरीका दी इक नमीं ते मजबूत सांझेदारी बनाने च जेक सुलिवान हुंदे निजी योगदान दी सराहना कीती ऐ।

<><><><><><>

LS Speaker

लोकसभा अध्यक्ष ओम बिरला होरें अज्ज नमीं दिल्ली दे संविधान सदन दे सेंट्रल हाल च पंचायत दे सदन 2.0 कार्जक्रम दा उद्घाटन कीता। इस कार्जक्रम च 20 राज्यें ते केंद्र शासित प्रदेशें थमां पंचायती राज संस्थानें दे तकरीबन 500 चुने गेदे महिला नुमाइंदे हिस्सा लै करदियां न। इस कार्जक्रम दा मकसद पंचायती राज संस्थानें थमां अनुसूचित

जनजातिये थमां चुनी गेदियां महिलां नुमाइंदें गी सशक्त बनाना ते प्रभावी नेतृत्व गी बढ़ावा देने लेई संवैधानिक प्रावधानें, संसदीय प्रक्रियाएं ते शासन दे बारै च उंदा ज्ञान बधाना ऐ। इस मौके पर बोलदे होई ओम बिरला होरें आखेआ जे पंचायती राज संस्थान ग्राएं दे विकास ते आत्मनिर्भर भारत दे विजन गी साकार करने दी बक्खी कम्म करा रदियां ना। उनें आखेआ जे महिलाएं दा देश दी विरासत ते संस्कृति च बड़ा मता योगदान ऐ।

<><><><><><>

Gadkari

केंद्री सड़क परिवहन ते जरनैली शिड़क सरबंधी मंत्री नितिन गडकरी होरें विद्यार्थियें गी यातायात दे नियमें दा पालन करने दा आग्रह कीता तां जे शिड़कां शड़ी अपने आस्तै गै नेई बल्कि दुएं लेई बी सुरक्षित बनी सकन। मुम्बई च एन.एच.ए.आई आसेआ शिड़क सुरक्षा अभियान 2025 दे सुरक्षा री-लोडेड कार्जक्रम गी संबोधित करदे होई गडकरी होरें आखेआ जे पिछले बरे शिड़क हादसें च बादा होआ ऐ। मंत्री होरें शिड़क हादसे ते हादसे दे पीड़ितें सरबंधित बक्ख-बक्ख आंकड़ें सांझा कीते। उनें इस गल्ला पर लो पाई जे पिछले बरे स्कूल ते संस्थागत खेत्तरें च दस ज्हार लोकें दी जान चली गई ऐ।

<><><><><><>

Aero India-2025

एशिया दे सब्बनें शा बड्डे एयरो शो, एयरो इंडिया 2025 दा 15मां संस्करण 10 शा 14 फरवरी तक्कर कर्नाटक दे बेंगलुरु च देलहंका च आयोजित कीता जाग। इस कार्जक्रम दा

विशे ऐ “Run way to a billion oppurtunities” एयरो इंडिया स्वेदशीकरण गी बढावा देने ते अत्याधुनिक तकनीकें दा प्रदर्शन करने लेई विदेशी ते भारती फर्में गी इक मंच प्रदान करोग। रक्षा मंत्रालय दे मताबक कार्जक्रम दे पैहले त्रै दिन व्यवसायिक दिन हांगन ते 13 ते 14 फरवरी गी लोकें गी एयर शो दिक्खने गी इजाजत होग।



India Pak Air Strikes

भारत नै पाकिस्तान आसेआ अफगान नागरिकें उप्पर कीते गेदे हवाई हमलें दी खबरें दी निंदा कीती ऐ। विदेश मंत्रालय दे प्रवक्ता रणधीर जायसवाल होरें आखेआ ऐ जे अफगान नागरिकें उप्पर कीते गेदे हवाई हमले जिंदे च महिलाएं ते बच्चें सने कई लोकं अपनी जान गवाई दिती ऐ। भारत उसदी निंदेआ करदा ऐ। उनें आखेआ जे पाकिस्तान दी अपनी अंदरूनी असफलताएं लेई अपने गोआंडी मुखें गी जिम्मेदार ठहराना इक परानी आदत ऐ।



BCCI-Women Cricket

भारतीय क्रिकेट कंट्रोल बोर्ड नै आयरलैंड खलाफ भारत दी आगामी त्रै मैचें दी इक्क दिवसीय श्रृंखला आस्तै 15 सदस्यें दी टीम दी घोषणा कीती ऐ। कप्तान हरमनप्रीत कौर ते शीर्ष गेंदबाज रेणुका सिंह ठाकुर गी इस श्रृंखला च अराम दिता गेआ ऐ। हरमनप्रीत दी गैर मौजूदगी च स्मृति मंधाना भारतीय टीम दा नेतृत्व करंगन। दीप्ति शर्मा उप कप्तान ते ऋचा घोष ते उमा छेत्री विकेट कीपर होंगन। टीम दे अन्य सदस्यें च प्रतिका रावल,

हरलीन देयोल, जेमिमा रोड्रिग्स, तेजल हसब्रिस, राघवी बिष्ट, मिन्नू मणि प्रिया मिश्रा, तनुजा कंवर, तितास साधु, साइमा ठाकोर ते सयाली सतघरे शामिल ना। इक्क दिवसीय श्रृंखला दस जनवरी थवां शुरू होग, दूसरा मैच 12 जनवरी गी ते अखीरी मैच 15 जनवरी गी खेडढेआ जाग। सारे मैच राजकोट दे निरंजन शाह स्टेडियम च खेड्डे जांगन।

<><><><><><>

Taiwan Cyber Attack

ताइवान च 2024 दौरान साइबर हमले दिएं घटनाएं च ओहदे शा पिछले बरे दे मकाबले लगभग दूना बाह्वा दर्ज कीता गेआ ऐ। ज्यादातर साइबर हमले चीनी हैकरें आसेआ कीते गेन। ताइवान दे राष्ट्रीय सुरक्षा ब्यूरो नै जानकारी दिती ऐ जे सरकारी सेवा नेटवर्क पर होने आहले हमले लेई चीन दा साइबर नेटवर्क जिम्मेदार ऐ।

<><><><><><>

Delhi Police

दिल्ली पुलसै गैर कनूनी तौरा पर आइयै भारत च रवा करदे लोकें खलाफ कार्रवाई करदे होई 9 होर बांग्लादेशिं गी हिरासतै च लेई लैता ऐ। गिरफ्तार कीते गेदे इनें लोकें गी बंगलादेश लेई भेजी दिता गेआ ऐ। नमीं दिल्ली च अज्ज मीडिया गी जानकारी दिंदे होई दिल्ली पुलस दे उपायुक्त एम. हर्षवर्धन होरें दस्सेआ जे पुलसै मध्य जिला खेत्तरें च गैर कनूनी तौरा पर रवा करदे विदेशी नागरिकें खलाफ अपना अभियान तेज करी दिता ऐ।

<><><><><><>

HMPV

चीन च ह्यूमन मेटान्यूमो वायरस-एचएमपीवी दे फैलने दी चिंताएं दे बिच्च कर्नाटक च बी एच.एम.पी.वी. दे दो मामले सामने आए न। सोआस्थ्य ते परिवार कल्याण मंत्रालय दे अनुसार भारतीय चिकित्सा अनुसंधान परिषद आई.सी.एम.आर नै एच.एम.पी.वी दे दो मामलें दा पता लाया ऐ। इंदे च त्रै म्हीने दी इक्क बच्ची ते अट्ट म्हीने दा इक बच्चा वायरस कन्नै संक्रमित होआ ऐ। दौनें दा इलाज चला रदा ऐ। दोनें मरीजें चा कुसा नै अंतरराश्ट्रीय जात्तरा नेई कीती दी ऐ। सोआस्थ्य मंत्रालय नै दसेआ ऐ जे एच.एम.पी.वी पैहले थ्वां गै भारत समेत दुनिया भरै च फैली चुके दा ऐ। कई देशें दे लोकें गी साहू सरबंधी बमारियें दे मामले सामने आए न। चीन च एच.एम.पी.वी दे बददे मामलें बश्कार विश्व सोआस्थ्य संगठन चीन दी स्थिति दे बारे च समें-समें पर ताजा जानकारी देआ रदा ऐ।

<><><><><><>

Delhi Virus

कर्नाटक च ह्यूमन मेटा न्यूमो वायरस-एचएमपीवी दे दो मामले सामने आने दे बाद दिल्ली दे सौआस्थ्य मंत्री सौरभ भारद्वाज होरें सौआस्थ्य ते परिवार कल्याण मैहकमे गी राजधानी च पूरी व्यवस्था करने दे निर्देश जारी कीते न। उनें आखेआ जे केंद्री सौआस्थ्य मंत्रालय दी सलाह अनुसार सब्बै अस्पतालें गी साहू दी बमारी च कुसा बी संभावित बाद्दे दे निपटारे आस्तै पूरी चाल्ली तैयार रौहना लोड़चदा ऐ। श्री भारद्वाज होरें सौआस्थ्य सचिव गी हर रोज त्रै अस्पतालें दा निरीक्षण करने ते मंत्रालय गी रिपोर्ट सौंपने दे आदेश जारी कीते।

<><><><><><>

Railway-Inspection

रेल सुरक्षा आयुक्त होर कल ते 8 जनवरी गी महत्वकांक्षी उधमपुर-श्रीनगर बारामूला रेल लिंक परियोजनां दा वैधानिक निरीक्षण करंगन ते एहदे पर होने आहली अजमैशें गी दिक्खंगन। एहदे बाद आयुक्त होरें इस बारै अपनी रिपोर्ट जमा करांगन जेदे मगरा गै सिद्धे कश्मीर घाटी तोहड़ी रेल सेवा शुरू करने बारे कोई मुकदा फैसला कीता जाग। एहदे शा पैहले अतरूं शनिवारें बी रेलवे आसेआ इस परियोजना दा कटड़ा कोला लेइयै बनिहाल तोडी दे पूरे हिस्से पर अजमैश दे तौरा पर ट्रायल रन कीता गेआ हा।



Highway

जम्मू-श्रीनगर राष्ट्रीय जरनैली सड़क गड्डियें दी दऊं तरफा आओजाई लेई खुल्ली ऐ। पैहले काजीगुंड इलाके च भारी बर्फबारी दे बाद गड्डियें दी आओजाई रोक दीत्ती गई ही। प्रशासन नै जरनैली सड़कै पर सफर करने अहलें लेई हिदायत जारी कीती ऐ जे ओह सफर दिने-दिनै गै करंगन ते सड़कै पर अपनी बक्खी गै गड्डी चलान। तोआई, पुंछ-राजौरी आहले रस्तेआ कश्मीर घाटी गी जाने आहली ऐतिहासिक मुगल रोड अज्ज उप्परोतली 10में रोज बी गड्डिएं दी आओजाई लेई बंद ऐ। पीर पंजाल दिएं पहाड़ियें पर जंदी रातीं बी ताजा बर्फबारी होई ऐ।



Squash British Junior Open

Squash च भारत दियां अनाहत सिंह, ब्रिटिश जूनियर ओपन स्क्वैश प्रतियोगिता दे फाइनल च पुज्जी गेइयां न। 17एं बरें कोला हेठली उम्री दे कुड़ियें दे इक्कले मुकाबले दे खताब लेई ओहू अज्ज मिस्र दी Mallika El Karaksy दा सामना करंगन। एहूदे कोला पैहले सेमीफाइनल च मिस्र दियां Ruqayya Salem गी 3-1 कन्नै हराया हा।

